

Igl meis d'avost 2021 ò la suprastanza communal tracto tranter oter igls affars suandonts:

Fatgs generals, fatgs da personal, economia e provedimaint d'energeia

- Do liber la brochura "maletg directiv Surses 2030" per la preschentaziun alla populaziun ed agls sagond-indigens e discuto igl ulteriour proceder concernent las maseiras ed igls projects priorisos.
- Delibero l'invitaziun cun glista da tractandas ed igl messadi per la radunanza communal digls 30 d'avost 2021.

Immoglias, fatgs da santieri e da sepultura, provedimaint d'ava

- Decidia d'incumbensar la firma Marty Bauleistungen SA da far ena furada da darschantar an connex cun la realisaziun digl provedimaint d'ava Sur/Alp Flex.

Turissem

- Decidia da sustignair la firma invents.ch SA da Turitg cun material e personal an vista alla realisaziun planisada d'en gigatlon cun zonas da midada a Savognin e Beiva igls 2 e 3 da fanadour 2022.

Siertad publica e traffic

- Decidia d'introduer en sarvetsch d'infurmaziun per sms scu instrumaint da comunicaziun per saveir infurmar la populaziun schi spert scu pussebel an cass d'evenimaint.

Fatgs da biagier, planificaziun digl territori e planisaziun locala

- Decidia da surdar la planisaziun e direcziun da construcziun per la veia nova da quartier Sulom a Savognin agl biro d'inschignier e da misiraziun Planisaziun Sonder SA. Cun l'execuziun dallas lavours d'impresari è neida incumbensada l'interpresa Parpan Bau SA da Planeiras e cun las lavours sanitaras la firma Cavegn SA da Savognin.
- Delibero la lescha davart igl carar sen veias da fons, prada, gôt ed alps cun vehichels a motor per mangs dalla radunanza communal. Chegl siva tg'ins ò repasso igl uriund sboz dalla lescha.
- Decidia d'incumbensar la firma Mettler Prader SA da Coira/Cunter cun las lavours da cuvreida an connex cun la construcziun d'ena reschla da betun nova pigl li da rimnada digl rusment verd a Davos Fallung, Savognin.

Ovras communalas incl. infrastruttura turistica, economia forestala

- Surdo las lavours da cuvreida an connex cun la sanaziun dalla veia Naladas - Tigia - Radons alla firma Mettler Prader SA da Coira/Cunter.
- Decidia da surdar las lavours da cuvreida e reparatura ve da diversas veias communalas e da gôt alla firma Mettler Prader SA da Coira/Cunter.
- Decidia da surdar las lavours per restructurar la piazza da giuier agl Lai Barnagn a Savognin alla firma Ernst Maier Spielplatzgeräte SA.
- Decidia d'installar danovamaintg en provisorii per la patinera (25m x 45m) a La Nars, Savognin, per la staschung d'anviern 2021/22.